

圓瑛法匯丛书 六

大方廣圓覺經講義

北京廣濟寺眾弟子敬印

圓瑛法匯叢書

六

大方廣圓覺經講義

北京廣濟寺眾弟子敬印

回向偈

愿以此功德
庄严佛净土
上报四重恩
下济三途苦
若有见闻者
悉发菩提心
尽此一报身
同生极乐国

圆瑛法汇丛书 六

大方广圆觉经讲义

印赠者 北京广济寺

赠送处 北京广济寺

地址 北京西四阜内大街二十五号

公元一九九九年二月

内部资料 免费交流

准印证号 九八—〇三一〇

印数 五千册

南無本師釋迦牟尼佛



圓瑛法師德相



諸供養中法供養最當知
佛法可以覺悟人心維持世道
若依之修課必能離苦得樂
普願自覺覺他轉勸化因
發菩提心齊成無上道

三求堂主人因瑛題



潮音花雨滿人間

圓瑛法彙再版

趙樸初



大方廣圓覺修多羅了義經講義序

清涼云。大以曠兼無際。方以正法自持。用則稱體而周。具此三義。故名圓覺。修多羅此云契經。謂契理。契機故。契經中。有了義不了義。如來爲人天二乘說不了義教。以器小不堪擔荷大法故。唯佛一人獨得覺性。爲菩薩乘說了義教。以根大能擔荷大法故。一切衆生皆得作佛。然對機說教。雖各不同。而契理契機。實無有二也。此經直顯一切衆生本來成佛。名爲圓覺。直截分明。毫無隱覆。此則契經中了義之契經。非不了義契經也。

圭峯曰。余心宗圓覺。但以競辨屈於妙義。龍藏倦於靈文。顯性之教沉埋。名相之宗鼓舞。由是革舊風規。成新教化。黜權抑小。立頓張圓。使第一義天。星辰羅列。大圓鏡智。影像昭彰。况復偏宗此卷。誓廣弘宣。二十餘年。三復立致。輪王髻寶。大雲心傳。長者家珍。清涼手授。所以內依觀智。外託誠文。冥己身心。隨應解釋。

今我瑛兄始契楞嚴三觀。次精圓覺三身。造茲講義。普被上根。諸輪綺互。單復圓修。四相潛神。非覺違拒。四病出體。心華發明。慈願追隨末後。長中下期。克念攝念而加行。別徧互習。業障惑障而消亡。成就慧身。靜寂覺徧。百千世界。佛境現前。是以聞五種名。超剎寶施福。說半偈義。勝河沙妙門。實由無法不持。無機不被者也。如善財不出道場。徧歷百城之

法。猶海幢常冥寂定。廣開佛事之門。圓覺宗通。第一義諦。大悟而豈假他求。內證而應須自決。似冰含水。融通而豈有凡聖等殊。如金與銀。展轉而更無佛生差別矣。

公元一九五二年仲冬拈華老人應慈謹撰

自序

夫圓覺一法。冠以大方廣三義。大者當體得名。橫絕邊涯。豈無底止。方者正也。以正智照了。恆沙功德之相。廣者多也。有自在無礙任運隨緣之用。聖凡同秉。生佛一如。爲諸佛之本源。實衆生之心地。自從元明失照。枉受輪迴。衆生日用不知。迨至復本心源。證入涅槃。諸佛究竟無得。不變隨緣。隨緣不變。譬如水隨冷氣之緣結之成冰。冰隨暖氣之緣溶之爲水。然冰水雖殊。而濕性如故。本覺湛然。衆生終日罔覺。法身流轉。如來所以興嗟。知萬法不出自心。悟一真本居實際。今圓覺經者。玄妙難思。蓋稱性之極軌也。寂光無土。依受用而現身。妙德垂詢。說因地之法行。一切如來。本起因地。皆依圓照。清淨覺相。永斷無明。方成佛道。圓覺之性。實無可修。但以自性之光明。圓照清淨之覺相。離念頓入。當處了知。此知卽是大智慧光明。照破無明。無體可得。則無明頓斷。佛道方成。次告普賢。一切幻化。皆生如來。圓覺妙心。不了如幻。是名不覺。若知幻化。卽已離幻。是名爲覺。乃結答云。知幻卽離。不作方便。如人夢身生瘡。求醫施藥。既知是夢。卽已離夢。不須更作方便。離幻卽覺。亦無漸次。如夢瘡之人。既已離夢。卽爲醒覺。覓瘡了不可得。亦無須用藥。漸次求愈也。次告普眼。欲求如來。淨圓覺心。應當正念。遠離諸幻。幻身滅故。幻心亦滅。幻心滅故。幻

塵亦滅。幻塵滅故。幻滅亦滅。幻滅滅故。非幻不滅。即是修行。漸次深入。次告金剛藏。聞前章說。圓覺普照。寂滅無二。始知衆生。本成佛道。遂起深疑。即伸三難。一以真難妄。若諸衆生。本來成佛。惟是一真。何故復有一切無明之妄。二以妄難真。若諸無明妄法。衆生本有。何因緣故。如來復說。本來成佛。三真能生妄。若諸異生。本來成佛。後起無明。此乃真能生妄。一切如來。已經返妄歸真。何時復生。一切煩惱。此皆根心之疑。能障大乘正信。佛即答云。虛空本不生華。真金理無重鑛。次告彌勒。一切衆生。由無始際。種種恩愛貪欲。是故能令生死相續。由本貪欲。發揮無明。顯出五性。差別不等。欲泛如來大圓覺海。先當發願。勤斷二障。二障已伏。即能悟入菩薩境界。若事理障。已永斷滅。即入如來。微妙圓覺。次告清淨慧。圓覺自性。本非差別之性。因衆生迷倒。未能滅除。一切幻化。於滅未滅。妄功用中。便顯差別。不能同佛受用。一切煩惱。畢竟解脫。以示漸次差別。復爲一類大根衆生。以示圓頓隨順。平等安心之法。居一切時。不起妄念。於諸妄心。亦不息滅。住妄想境。不加了知。於無了知。不辨真實。謂以衆生日用。不起絲毫妄念。同佛作用。本地風光。於諸妄想之心。了知全妄。即真。亦不息滅。雖住妄想之境。以境從心起。原是自心。本是一真。何用了知。於無了知處。但能知既寂。即是真知。故不辨真實也。因而信受。不生驚畏。是則名爲隨順覺性。次告威德自在。無上大覺。本無二相。隨諸方便。便有三類。所謂奢摩他。如鏡照

像。三摩提。如苗漸長。禪那寂滅。如器中鎗。此三法門。十方如來。及諸菩薩。三事圓證名。究竟涅槃。次告辯音。一切菩薩。無礙清淨慧。皆從禪定生。依頓漸修習。便有二十五種。清淨定輪。單複無非圓修。別偏意在互習。若能隨順修習。不久便證涅槃。次告淨諸業障。衆生由執我故。認四顛倒。爲實我體。因此便生憎愛。不了迷識。與迷智二種四相。無始妄流轉。不得成菩提。若能除滅貪瞋癡。法愛不存心。自可漸次成就。次告普覺。求善知識。當求正知見人。心遠二乘。除作止任滅四病。親近無憍慢。遠離無瞋恨。依正智慧而修。便能證於涅槃。次告圓覺。衆生欲求無上道。先要結三期。懺悔無始業。經於三七日。然後正思惟。勤修三淨觀。若能勤修習。是名佛出世。次告賢善首。是經爲如來守護。菩薩歸依。十二部經。清淨眼目。佛自定五名。今特取其二。末世衆生。依此修持。漸至佛地。雖爲頓教大乘。亦攝漸修羣品。是經力用廣大。無機不被。從可知矣。余也。頻年鑽紙。心心惟仰大乘。一覺傳燈。處處咸依自性。既詮楞嚴奧旨。妙妙心聞。復注圓覺契經。塵塵智入。布舟航於覺海。敢詡爲鼓棹之人。數名相於義天。自笑乃擔板之漢。忘言默契。願爲執鞭。入海算沙。從茲擱筆。是爲序。

時壬辰仲冬阿彌陀佛聖誕良辰七五老衲圓瑛宏悟序於上海圓明講堂

釋教律淨四宗 向上一條路寂照貴雙
行夢緣齊放下知解亦不生佛綿興密密
祇許起疑情大疑有大悟心地自空明

另來所說法如指肉示人因指當看月依
教要觀心說余不能飽教實莫濟貧休殺
文字障執藥病更深 五篇典三聚定慧

此篇基我佛有遠隔當以戒為師身口與
素業止作要變持皎潔若冰霜疾趨佛菩
提 淨土之法門為修行捷徑一念止衆

念方便密殊勝心中惟有佛念念以相應
橫超出三界無生忍速證廣展四圓錄

國璣老法師紀念堂生光

高僧多宿願圓公祥淨去賢一貫通
參透楞嚴玄妙音悟明般若寶相宗
絕念堂藏留線蹟遺深德重千秋業
利生愛國獲靈蔭培植有後泥抄大功

一生行處多住相海山來去空
依傍那計臆年興馬年東西南
此安禪杖今編年譜去云何足
踏雪處步步過本末因緣年月
記津梁後學出婆娑

弟子明暘敬題

圓瑛大師法語

諸法門中 念佛第一

直捷圓頓 無倫無匹

信願力行 務求真實

但得往生 大事已畢

南無阿彌陀佛

願消累劫諸業障

願得福慧日增長

願盡此身出娑婆

願佛接引生安養

辛巳秋園瑛自題

